


www.BibleForChildren.org

Maataio 26



6 na bung utbaai
namuga taa ra
lukaara na waan
likaai, lesu i waan paat
urong Betaania, a taamaan
anun Laasaro, a muaana baa
lesu i walaan paai balet
ko ra minaat. Ma Maaria
i lo paa in palaa na
mangingi baa di waatungi naa naad,
i ngaatngaat aakit. Ma i laboi u ra
ru kakin lesu, ma i upai ma ra weu na lorina. Ma
ra aangawi ra in palaa na mangingi maa i wateng
paa a ruma maa.



Iudaas Iskaariot, raa ko ra 12 naat na wawer, i waan karom a kum ngaala na tena wetabaar karom God, kupi in wagu taa lesu karom diat.

Baa diat walangoroi, diat gaaia, ma diat weweliman taai kupi diat a doki ma ra maani. Ma Iudaas i nuknuk kup ta koina pakaana bung baa in wagu taa lesu karom diat.




A kum naat na wawer diat paami
ut lenmaa lesu ia pir taai taan
diat, ma diat waninaar a utnaa na
waan likaai. Baa diat wangaan utbaai,
lesu i lo paa a bred, i waatung
wakaak paa uni, i bik paai, ma i
tabaara anuna kum naat na wawer
mai. I piri naa, “Muaat a rakaan paai
ma muaat a aani. Bi ia a
paning.”




Namur i lo paa a kaap, i waatung wakaak paa uni ma i taari taan diat. I piri naa, “Muaat raap muaat a inim koni. Bi ia a gaaping, a kunubu baa i aal ungaai taa God ma ra taara. A gaaping mi i talabo, kupi in una wa a kum aakaina mangamangaan anu ra mongoro.”



lesu i piri naa, “Simon, Simon, baboi, Saataan ia aaring paa kupi in walaar muaat, welaar ma ra tena minamaarut baa i tataanga weraana a wit mulu ko ra panina. laku iaau aa aaraaring un ui, Simon, kupi koku anum nurnur in puka aakit. Baa u aa nukpuku balet, io, un wadekdek a kum tatem liklik.”



Petero i piri taana naa, “Tadaaru, pa iaau burut baa ang murmur ui u ra ruma na karabus ma u ra minaat.”
Ma Iesu i baalui naa, “Petero, iaau piri taam, umari baa a kareke pa in kurkurekatuk utbaai, un weoro tula pakaan naa pa u nunura iaau.”



Iesu ma ra nuna kum naat
na wawer diat waan paat
u ra wanua a iaana
Getsemaane, ma i piri
taan diat naa, “Muaat a
ki ku min, ma iaau ang
waan kinalik taau urong,
ma ang aaraaring paa.”
I aaraaring naa, “Tataa,
Tataa, a kum utnaa raap i
tale ui un paami, un lo wa a
ngunungut na minaat kon
iaau. Iaku koku di murmur
anung nemnem, din murmur
ut anum nemnem.”



Io, Iudaas i muga paa a kum tena wineium anu ra taara Rom, ma ra kum tena baboura ko ra ruma na wetabaar. A kum ngaala na tena wetabaar ma ra kum Parisaiao diat tula wa diat. Diat lo a kum utnaa na wineium, a kum laam ma ra kum utnaa baa i kup baa diat ulu aara diat mai. Ma raa kon diat i pakaat a tultul anu ra mukmuga na tena wetabaar karom God, ma i kutu wa ina ot na talingaana. Ma Iesu i turbaati naa, “Koku!” Ma i paam in talingaa ra tultul, ma i wakoina paai balet.



Diat paam akoto paa lesu, ma diat ben ingen wai. Diat beni kup a ruma anu ra mukmuga na tena wetabaar karom God. Ma Petero i murmur waanawaana lesu, iaku maa i welwelik ut. Baa diat aa wakaa taa a nguan nataamaan, ma diat ki ungaai, Petero kaai diat ut.



Raa tultul anu ra mukmuga na tena wetabaar, a kakun ia baa Petero i pakaat kutu wa in talingaana, i piri naa, “Naapi ui ut duk, maa iaau babo ungaai ta mur ma lesu inaanga u ra wanua na diwaai na oliwa?” Petero i weoro balet naa, “Pate.” U ra pakaana bung ut maa, a kareke i kurkurekatuk. Ma i pari ko ra pakaana maa, ma i taangi dekdek aakit.





A taara na kiwung raap diat tur, ma diat ben paa Iesu karom Pilaato. Pilaato i tiri naa, “Ui maa a King anu ra taara Iudaia?” Ma Iesu i baalui naa, “Ma raa ut ia u aa piri.” Pilaato i nemi ut naa in palaa wa Iesu, io i tiri diat balet. Iaku diat ge dekdek ku ma ra pirpir naa, “Aak waati u ra bolo!”

Aak waati u ra bolo!”




Io, Pilaato i taar taa Iesu karom a kum tena wineium, kupi diat a aak waati u ra bolo. Ma diat ben paa Iesu. Io, Iesu i pari, i puak paa anuna bolo ma i waan kup a taamaan di waatungi ma “Pia na Lor,” ma u ra pirpir Ebraaio di waatungi naa Golgotaa.



Io, matira, diat aak waati u ra bolo. Diat
aak waat taa kaai raa ru muaana ungaai
mai, u ra ru papaarina,
ma lesu i kete naliwan
taan diaar.



Baa i 12 pakaana bung u ra mage, a buaal raap i baboto tuk un tuluina pakaana bung u ra maluraap, maa in mataana mage pa i babo. Ma ina maalu na babaat kutu naruma u ra ruma na wetabaar i tarabaat naliwan kup ru pakaan. Ma Iesu i kulkulaai dekdek lenbi, “Tamaang iaau taar taa a niong u ra ru limaam.” Baa ia pir taai lenmi, i ung wa anuna lalaaun.



Raa muaana a iaana Iosep, a te
Aarimaatia, ia raa ko ra taara na
kiwung, a ngaala na muaana
baa a taara diat laana rui,
i kiki walaang kup a
mataaniu anun God.
Baa ia maluraap u ra
bung na waninaar,
a bung namuga
taa ra

Bung Saabaat,
i waan karom Pilaato,
pa i burut, ma i aaring
paa a minaatin Iesu
koni.



Ma Iosep i kul paa in koina maalu,
i lo pari paa Iesu, ma i pulu paai
ma ra ina maalu maa. Namur
i wainep taai u ra babaang
na minaat, baa di aa kil
taai u ra papaara
waat, ma i tul baat
taa a mataa ra
babaang na minaat
ma ra ina ngaala
na waat.



U ra bung namur, a Bung Saabaat,
a kum ngaala na tena
wetabaar karom God
ma a kum Parisaaio diat
waan ungaai karom
Pilaato. Diat piri
taana naa, “Tadaaru,
miaat nuk paa raa
pirpir anu ra tena



warwaruga mi baa i lalaaun utbaai.”



I piri naa, baa tula bung in raap, in
lalaun paat balet. Io, diat waan,
ma diat wadekdek baat
taa a babaang na minaat.

Diat ung a mangaana
wakilang kupi baa te
in paapai diat a
nunura paai ku. Ma
diat watur taa a
kum tena



baboura kupi diat a baboura baati.



Baa ia raap a Bung Saabaat ma i laar
u ra mugaana bung u ra wik, Maaria
Maagdalone, ma raa Maaria
kaai diaar waan kupi diaar a
babo a babaang na
minaat. Ma a ngaala
na guria i waan paat,
maa raa aangelo
anu ra Tadaaru i
waan
pari

taanginaanga
u ra maawa kup
a babaang na
minaat, ma i tul
ingen wa ina waat
ma i ki taau nate
uni.



A kum tena baboura diat burutaana
aakiti, diat dadader, ma diat welaar
maku ma ra kum minaata.



A aangelo i piri taa ra ru tabuan maa
lenbi, “Koku mur burut, iaau nunurai
naa mur baat kup lesu, ia baa
di aak waat taai u ra bolo.
Pa i ki ma min. Ia lalaaun
balet welaar ma ra
nuna pirpir. Mur a
waan urin, mur a
babo a wanua baa
di wainep
taai iaai.”




Diaar waan gagaa ko ra babaang na
minaat. Diaar burut, iaku a ngaala na
gaaia kaai i lo diaar. Diaar welulu
kup anuna kum naat na wawer
kupi diaar a wapua diat u ra
pirpir mi. Baa diaar waan
waanwaan, Iesu i waan paat
kakaian karom diaar.



Ma i piri taan diaar naa, “Koina malaana
karom mur.” Diaar waan karomi,
diaar paam a ru kakina ma diaar
lotu karomi.





Namur i waan paat paa karom 11 naat na wawer baa diat ki na winangaan. Ma i kaankaan karom diat, kabina pa diat nurnur, ma i dekdek a balaandiat, ma kabina baa pa diat nurnur un diat baa diat aa babo taai naa ia lalaaun balet. Baa a Tadaaru Iesu ia pirpir taau taan diat, God i lo tato paai unaanga u ra maawa, ma i ki u ra papaara ot na limaana.



God i maari a rakrakaan buaal, ma i
taar wa Natuna raa ot ku, kupi diat
raap baa diat nurnur uni, diat a
lalaan takum, ma pain
diat a wirua.



Rom 3:23 A taara raap diat aa paam taa aakaina mangamangaan, ma diat aa ki welwelik ko ra minamaar anun God.

Rom 6:23 Io, a wedok i ra mangamangaan aakaina a minaat. laku a wetabaar anun God ia a lalaaun takum baa daat ki un Kaarisito Iesu anundaat Tadaaru.

Ebraaio 9:27 A taara raap diat a maat raa pakaan ku, ma namur diat a tur u ra naagagon anun God.

Epeso 2:8,9 God i maari muaat ma i walaan pa muaat baa muaat nurnur. Wakir muaat ut muaat kabina uni, a wetabaar ku anun God karom muaat. Wakir i walaan pa muaat kabina u ra kum kokoina pinapaam muaat paami, kaduk te in wangaala pa ia ut uni.



Rom 10:9,10 Lenbi, baa u wapuaanai ma ra num pirpir naa lesu ia a Tadaaru, ma u nurnur u ra in balaam naa God ia watur paai balet ko ra minaat, io God in walaan ui. Maa baa u nurnur u ra in balaam, God i waatung ui naa u takado namataana. Ma baa u wapuaanai ma ra num pirpir naa lesu ia a Tadaaru, God in walaan ui.

Ioanes 3:16,17 “God i maari a rakrakaan buaal, ma i taar wa Natuna raa ot ku, kupi diat raap baa diat nurnur uni, diat a lalaan takum, ma pain diat a wirua. God pa i tula wa Natuna urin u ra rakrakaan buaal kupi in taar a naagagon na binabaalu karom a rakrakaan buaal. I tula wai ku kupi in walaan a rakrakaan buaal.”



1 Ioaanes 5:11-13 Anuna wewapua kaapa i lenbi: God ia taar taa a lalaaun takum taan daat, ma a lalaaun maa i ki un Natuna. Ia baa Natun God i lalaaun uni, ia paam akoto a lalaaun. Ma ia baa Natun God pa i lalaaun uni, pa i paam akoto a lalaaun. A kum utnaa mi iaau timui karom muaat, kupi muaat baa muaat nurnur u ra iaan Natun God, muaat a nunurai naa muaat aa paam akoto a lalaaun takum.



Maataio 26-28; Lukaa 22-24; Ioanes 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Ramoaina NT (rai) © 2006, Wycliffe Bible Translators, Inc.
All rights reserved.

<https://live.bible.is/bible/RAITBL/MAT/1>

©2025 Bible for Children, Inc.

www.M1914.org

www.bibleforchildren.org

